

SOS

অতি সংক্ষিপ্ত প্রশ্নোত্তর :

*** ১। কেস স্টাডি কাকে বলে?

বাকাশিবো- ২০০৫, ০৬, ০৯, ১০, ১৫'পরি, ১৭, ১৮, ২০, ২০'পরি, ২১, ২২'পরি

উত্তর : কোনো নির্দিষ্ট সমস্যা, ঘটনা, ব্যক্তি বা প্রতিষ্ঠান সম্পর্কে গভীরভাবে অনুসন্ধান ও বিশ্লেষণ করে সিদ্ধান্ত গ্রহণ বা সমাধানের পদ্ধতিকে কেস স্টাডি বলে।

** ২। কেস স্টাডি কখন করা হয়?

বাকাশিবো- ২০০৮, ১১, ১৬

উত্তর : যখন কোনো জটিল সমস্যার গভীর বিশ্লেষণ, প্রকৃত কারণ অনুসন্ধান এবং বাস্তবসম্মত সমাধান বের করার প্রয়োজন হয়, তখন কেস স্টাডি করা হয়।

*** ৩। কেস পদ্ধতির মৌলিক উদ্দেশ্য কী?

বাকাশিবো- ২০০৮, ০৬, ০৭, ১০, ১৪, ১৫, ১৭

উত্তর : কেস পদ্ধতির মৌলিক উদ্দেশ্য হলো বাস্তব জীবনের কোনো সমস্যা বা ঘটনা বিশ্লেষণের মাধ্যমে প্রশিক্ষণার্থীদের মধ্যে সিদ্ধান্ত গ্রহণের দক্ষতা ও সমস্যা সমাধানের ক্ষমতা তৈরি করা।

SOS

সংক্ষিপ্ত প্রশ্নোত্তর :

*** ১। কেস স্টাডির প্রয়োজনীয়তা লেখ। বাকাশিবো- ২০০৬, ০৭, ১৮, ২২, ২২'পরি

উত্তর : কেস স্টাডির প্রধান প্রয়োজনীয়তাগুলো হলো :

১. জটিল ও বাস্তব সমস্যাগুলোর গভীর বিশ্লেষণ ও সমাধান খুঁজে বের করতে সাহায্য করে।
২. তাত্ত্বিক জ্ঞানকে বাস্তব ক্ষেত্রে প্রয়োগ করার দক্ষতা বৃদ্ধি করে।
৩. সিদ্ধান্ত গ্রহণের ক্ষমতা বাড়ায়।
৪. অতীত অভিজ্ঞতা থেকে শিক্ষা নিয়ে ভবিষ্যতে ভুলের পুনরাবৃত্তি রোধ করে।

*** ২। কেস স্টাডির সুবিধাগুলো লেখ। বাকাশিবো- ২০০৭, ০৮, ১৪, ২১, ২৩'পরি

উত্তর : কেস স্টাডির প্রধান সুবিধাগুলো হলো :

১. বাস্তব জীবনের জটিল সমস্যা সমাধানের দক্ষতা বৃদ্ধি পায়।
২. সিদ্ধান্ত গ্রহণের ক্ষমতা তৈরি হয়।
৩. বিশ্লেষণধর্মী চিন্তাভাবনার বিকাশ ঘটে।
৪. তাত্ত্বিক জ্ঞানকে বাস্তবে প্রয়োগ করার সুযোগ পাওয়া যায়।
৫. দলগতভাবে কাজ করার মানসিকতা তৈরি হয়।

** ৩। Six M ব্যাখ্যা কর। বাকাশিবো- ২০১৬, ২০, ২০'পরি, ২৩'পরি

উত্তর : উৎপাদন ব্যবস্থাপনায় কোনো কাজ সুষ্ঠুভাবে সম্পন্ন করতে যে ৬টি মৌলিক উপাদানের প্রয়োজন হয়, তাদের একত্রে Six M বা 6M বলে। উপাদানগুলো হলো :

Case Study on Production Planning [উৎপাদন পরিকল্পনার উপর কেস স্টাডি]

১. Man (মানুষ/জনবল) : শ্রমিক, কর্মচারী ও কর্মকর্তা।
২. Machine (যন্ত্রপাতি) : উৎপাদনের জন্য প্রয়োজনীয় যন্ত্র ও সরঞ্জাম।
৩. Material (কাঁচামাল) : পণ্য তৈরির কাঁচামাল।
৪. Money (অর্থ/মূলধন) : বিনিয়োগ ও খরচের জন্য টাকা।
৫. Method (পদ্ধতি) : কাজ করার সঠিক নিয়ম বা প্রক্রিয়া।
৬. Market (বাজার) : উৎপাদিত পণ্য বিক্রির ক্ষেত্র বা ক্রেতা।

SOS

রচনামূলক প্রশ্নোত্তর :

*** ১। একটি গার্মেন্টস কারখানা স্থাপনের পূর্ব-শর্তগুলো আলোচনা কর।

বাকাশিবো- ২০১৫, ১৫'পরি, ২২

উত্তর : যেকোনো শিল্প কারখানা স্থাপনের মতো গার্মেন্টস শিল্প স্থাপনের জন্যও কিছু সুনির্দিষ্ট পূর্ব-শর্ত বা বিবেচ্য বিষয় রয়েছে, যা কারখানার সফলতা নিশ্চিত করে। নিচে একটি গার্মেন্টস কারখানা স্থাপনের প্রধান পূর্ব-শর্তগুলো আলোচনা করা হলো :

১. উপযুক্ত স্থান নির্বাচন : এটি সবচেয়ে গুরুত্বপূর্ণ শর্ত। এমন স্থান নির্বাচন করতে হবে যেখানে যোগাযোগ ব্যবস্থা ভালো, বিদ্যুৎ ও গ্যাস সহজলভ্য এবং পর্যাপ্ত নিরাপত্তা রয়েছে। বিশেষ করে ঢাকা, গাজীপুর, নারায়ণগঞ্জ বা ইপিজেড এলাকাগুলো গার্মেন্টস শিল্পের জন্য উপযুক্ত।
২. কাঁচামাল ও এক্সেসরিজের সহজলভ্যতা : গার্মেন্টস কারখানার প্রধান কাঁচামাল হলো কাপড়, সুতা, বোতাম, জিপার ইত্যাদি। কারখানাটি এমন জায়গায় হওয়া উচিত যেখান থেকে সহজে এবং কম খরচে এসব কাঁচামাল সংগ্রহ করা যায়।

৩. দক্ষ ও অদক্ষ শ্রমিকের প্রাপ্যতা : গার্মেন্টস শিল্প একটি শ্রমঘন শিল্প। তাই কারখানা স্থাপনের পূর্বে নিশ্চিত হতে হবে যে, ওই এলাকায় পর্যাপ্ত সংখ্যক নারী ও পুরুষ শ্রমিক সুলভ মূল্যে পাওয়া যাবে।

৪. বিদ্যুৎ ও জ্বালানি সরবরাহ : সেলাই মেশিন, কাটিং মেশিন, বয়লার এবং ইলেক্ট্রিক্যাল ফিনিশিং সেকশনের জন্য নিরবচ্ছিন্ন বিদ্যুৎ ও গ্যাসের প্রয়োজন হয়। তাই নিজস্ব জেনারেটর বা সাব-স্টেশনের ব্যবস্থা এবং গ্যাস সংযোগ নিশ্চিত করা অপরিহার্য।

৫. বাজার ও যোগাযোগ ব্যবস্থা : তৈরি পোশাক দ্রুত বন্দরে বা বায়ারের কাছে পৌঁছানোর জন্য উন্নত রাস্তাঘাট ও পরিবহন ব্যবস্থা থাকতে হবে। চট্টগ্রাম বন্দর বা বিমানবন্দরের সাথে যোগাযোগ ব্যবস্থা ভালো হওয়া জরুরি।

৬. পর্যাপ্ত মূলধন ও ব্যাংকিং সুবিধা : কারখানা স্থাপন, মেশিন কেনা এবং পরিচালনার জন্য প্রচুর মূলধনের প্রয়োজন। তাই আশেপাশে ভালো ব্যাংকিং সুবিধা থাকতে হবে যেন এলসি খোলা এবং শ্রমিকের বেতন পরিশোধ সহজ হয়।

৭. সরকারি অনুমোদন ও কমপ্লায়েন্স : কারখানা চালুর আগে কলকারখানা ও প্রতিষ্ঠান পরিদর্শন অধিদপ্তর, পরিবেশ অধিদপ্তর, ফায়ার সার্ভিস এবং বিজিএমইএ (BGMEA) বা বিকেএমইএ (BKMEA) থেকে প্রয়োজনীয় অনুমোদন নিতে হবে। এছাড়া আন্তর্জাতিক বায়ারদের চাহিদা অনুযায়ী বিল্ডিং কোড এবং সেফটি কমপ্লায়েন্স মেনে ভবন তৈরি করতে হবে।

৮. পানি সরবরাহ ও বর্জ্য ব্যবস্থাপনা : ওয়াশিং প্ল্যান্ট থাকলে প্রচুর পানির প্রয়োজন হয়। তাই গভীর নলকূপ বা ওয়াসার সংযোগ নিশ্চিত করতে হবে। সেই সাথে পরিবেশ রক্ষায় ইটিপি স্থাপনের ব্যবস্থা থাকতে হবে।

Case Study on Production Planning [উৎপাদন পরিকল্পনার উপর কেস স্টাডি]

উপরোক্ত পূর্ব-শর্তগুলো সঠিকভাবে পূরণ করা হলে একটি গার্মেন্টস কারখানা সুষ্ঠুভাবে পরিচালনা করা এবং প্রতিযোগিতামূলক বিশ্ববাজারে টিকে থাকা সম্ভব হয়।

**** ২। প্রোডাকশন প্ল্যানিং-এর ক্ষেত্রে 'Six-M' ব্যাখ্যা কর।**

বাকশিবো- ২০১৬, ২০, ২০'পরি, ২৩'পরি, ২৪

উত্তর : প্রোডাকশন প্ল্যানিং বা উৎপাদন পরিকল্পনার ক্ষেত্রে কাজীকৃত উৎপাদন লক্ষ্যমাত্রা অর্জনের জন্য যে মৌলিক উপাদানগুলো প্রয়োজন হয়, তাদেরকে একত্রে কারখানার ভাষায় 'Six-M' বা ৬-এম বলা হয়। কারখানার উৎপাদন ব্যবস্থাকে সুষ্ঠু, লাভজনক ও নিরবচ্ছিন্ন রাখার জন্য এই ছয়টি সম্পদের সঠিক পরিকল্পনা ও সমন্বয় অত্যন্ত গুরুত্বপূর্ণ।

প্রোডাকশন প্ল্যানিং-এর 'Six-M' উপাদানসমূহ নিচে আলোচনা করা হলোঃ

১. Man বা Men (জনশক্তি বা শ্রমিক): যেকোনো কারখানার প্রধান চালিকাশক্তি হলো মানুষ। কারিগরি জ্ঞানসম্পন্ন দক্ষ প্রকৌশলী, সুপারভাইজার, টেকনিশিয়ান এবং শ্রমিক ছাড়া উৎপাদন প্রক্রিয়া পরিচালনা করা অসম্ভব। প্রোডাকশন প্ল্যানিংয়ে সঠিক কাজের জন্য সঠিক কর্মী নির্বাচন, শিফট নির্ধারণ এবং কর্মীদের নিরাপত্তার বিষয়টি এর অন্তর্ভুক্ত।

২. Machine (যন্ত্রপাতি): কাঁচামালকে চূড়ান্ত বা ফিনিশড পণ্যে রূপান্তর করতে উপযুক্ত যন্ত্রপাতির প্রয়োজন। মেশিনের উৎপাদন ক্ষমতা (Capacity), লে-আউট, নিয়মিত রক্ষণাবেক্ষণ এবং মেশিনের সর্বোচ্চ ব্যবহার নিশ্চিত করা প্রোডাকশন প্ল্যানিংয়ের একটি অন্যতম প্রধান কাজ।

৩. Material (কাঁচামাল ও সরঞ্জাম): মানসম্মত পণ্য তৈরির প্রথম শর্ত হলো সঠিক মানের কাঁচামাল। প্রোডাকশন প্ল্যানিংয়ে ঠিক কী পরিমাণ

কাঁচামাল লাগবে, তা কখন কারখানায় পৌঁছাবে এবং কীভাবে গুদামে (Inventory) সংরক্ষণ করা হবে-তার নিখুঁত হিসাব করা হয়, যেন কাঁচামালের অভাবে উৎপাদন বন্ধ না থাকে।

৪. Method (পদ্ধতি বা প্রক্রিয়া): পণ্য উৎপাদনের ক্ষেত্রে সবচেয়ে সাশ্রয়ী, নিরাপদ ও কার্যকর কৌশল বা পদ্ধতিকে গবঃযড়ফ বলা হয়। কোন মেশিনের পর কোন মেশিনে কাজ হবে এবং কাজগুলো কত দ্রুত হবে (Scheduling)-তা নির্ধারণ করা। সঠিক পদ্ধতির ব্যবহার কারখানায় সময় ও সম্পদের অপচয় রোধ করে।

৫. Money (মূলধন): কারখানার প্রতিটি ধাপে-কাঁচামাল কেনা থেকে শুরু করে শ্রমিকের বেতন দেওয়া, মেশিনের জ্বালানি বা বিদ্যুৎ বিল পরিশোধ-সবকিছুর জন্যই অর্থের প্রয়োজন। প্রোডাকশন প্ল্যানিংয়ে বাজেট নির্ধারণ করে অর্থের সবচেয়ে লাভজনক ও সঠিক ব্যবহার নিশ্চিত করা হয়।

৬. Market (বাজার বা চাহিদা) অথবা Measurement (পরিমাপ): শিল্প ব্যবস্থাপনায় ৬ষ্ঠ 'M' হিসেবে বাজারকে ধরা হয়, কারণ বাজারের চাহিদা বিশ্লেষণ করেই মূলত উৎপাদনের পরিমাণ নির্ধারণ করা হয়।